

† (Corr.) La gievia vargada ei vegniu satrau a Sedrun in um; che mereta in per plaids. Fravi Giachen Luregn Caduff, igl affon pli vegl d' ina numerusa familia, ha gia baul piars siu bab. El fuva in pèr onns ord scola. — Bia memia baul haveva il bab stuiu murir per haver saviu mussar il mistregn de fravi al fegl. Denton il fegl ha empruau, sezachegiau, turnau ad empruar ed ei aschia culs onns daventaus in renomau mistergner. Dalunsch neutier termettev' ins ad el per schar far e rugalar segirs, marcladiras etc. Entras rugalar l' ura baselgia a Rueras haveva el era survegniu lavur en quei rom ed aschia han pliras uras veglias de baselgia survegniu reparatura en fravia a Rueras. Lein numnar mo ina, quella il pli dalunsch, «Surcuolm». Il lungatg tudestg haveva el sco il mistregn, empriu da sesez, perfin empau franzos. Il defunct havess giu raschun de dir sco quei buob a Sedrun scheva: «Quei Cungieri ha miu bab fatg». (In bitoc tiara sur Sedrun). — Fravi Caduff fuva pietus, patertgava ruasseivel. Ei ha era fatg bia dil bien tenor la devisa dil Messias; «Quei ch' il maun dretg fa duei il seniester buca saver. Dumbrond ils parents ensemen 13 figliols hagi el detg: Quels saveis vus; mo conts ch' jeu hai ell' Africa, drova negin saver. — Ussa eis ti car amitg tier Diu; has anflau la dumina e tiu affon! Ruaussa en pasch!